

Wat et net so alles jöfft

Könne Opas fleeje?

von Johannes Toups

D'r Sparjel versorsch ech bej oss te Hus. Möt et stäake, wäsche on schälle han ech morjes eh paar Stöndches te don.

Dat Telefon klengelt: „Schumacher, guten Morgen, ich rufe aus der Martinus-Schule in Meerbusch-Strümp an, ihr Enkelkind, der Andreas, hat sich die Zunge hinter der oberen Zahnspange eingeklemmt. Er müßte zum Kieferorthopäden gebracht werden. Könnten sie ihren Enkel bitte dort hinbringen?“

Minn Vrau on ech hant kött överleiht, näh – wat soll de bem Kieferorthopäden, ess osse Andreas net be de nöje Zahnarzt en Lank am Malteserstift en Behandlung, on ech wohr och all om Wäsch op Strömp eban öm de Jong te hohle. Vrau Schumacher ut et Büro – on d'r Husmeester, Herr Raukes, wadden all op mech en de Enjangshall. Dat kleene Männeke tösche die twei, hä wohr net am jriene, hat d'r Scholltonester en de Hank, konnt koom spräake – lacht de Opa äver ahn – als wänn hä saare wolde, „Opa kann mech hälpe“.

Nou bön ech enne langsame on jemühtliche Autofahrer, äver desskier troot ech janz schön op dat Jaspedal. Dat holprijie Strootestöck – an die Autobahn Bouställ hat ech jraat överfahre – do sprook mi Enkelkenk mech janz normal ahn. Ech konnt et net jlööve – äver de Jong wohr jout te verston. „Opa, die Zunge ist wieder locker, die hatte sich so von hinten um die Ecke herum eingehängt.“ Op dat nächste freije Plättske am alde Ringove bön ech dann ston jebleeve öm te kieke op dat och stemmde. Et wohr so – on ech bön wier möt minne Enkel terück jefahre.

Vrau Schumacher on d'r Husmeester stonge noch en die Enjangshall. Ech jlöv die vertällden över de Blaare, on wat en en Scholl net so alles passiere kann. Merr wore am Lache on jenge op die twei tu – on d'r Husmeester mende: „Könne Opas fleeje?“ Ech han vertällt wat oss passiert wohr, on och die twei hant möt jelacht. Et klengelde vörr de nächste Paus on Andreas spellde möt die angere Kenger als wänn nix jewäss wühr.

On so janz näävebej jeseiht, op d'r Wäsch nohr Hus ess mech Schneewittschen enjevalle. Wohren do net die Zwärje on d'r Prinz möt de jläserne Sarsch jestollpert, on dobej wohr doch Schneewittschen dat Stöckske von de jeffteje Appel ut d'r Hals jevalle.